



Directivas davart la finanziaziun speziala "sport" concernent contribuziuns ad occurrenzas da sport

Sa basond sin l'art. 31 lit. a da l'ordinaziun davart la promoziun dal sport e dal moviment (ordinaziun da promoziun dal sport) dals 7 da fanadur 2015,

relaschadas dal departament d'educaziun, cultura e protecziun da l'ambient ils 19 d'avust 2015

Art. 1 Contribuziuns

¹ Contribuziuns pon vegnir pajadas:

- a) per occurrenzas da sport en il chantun Grischun;
- b) per congress ed a seminaris en il chantun Grischun che tractan temas or dal sector da sport;
- c) a radunanzas da delegadas e delegads da federaziuns da sport naziunalas en il chantun Grischun.

Art. 2 Exclusiun da contribuziuns

¹ Exclut da survegnir contribuziuns èn:

- a) manaschis ordinaris da campiadadi cun partidas a chasa e partidas ordaifer;
- b) occurrenzas internas da las uniuns sco er occurrenzas da spectacul;
- c) occurrenzas che vegnan realisadas en il rom dal sport da scola obligatoric;
- d) occurrenzas militaras;
- e) occurrenzas da caracter principalmain commercial.

Art. 3 Inoltraziun e tractament da las dumondas

a) adressat

¹ Las dumondas ed ils documents per survegnir contribuziuns ston vegnir inoltrads al post ch'è inditgà sin il formular da dumonda correspondent.

Art. 4 b) agiuntas

¹ A la dumonda ston vegnir agiuntads ils suandants documents:

- a) formular da dumonda;
- b) preventiv cun tut las entradas e cun tut las expensas (senza contribuziun da la finanziaziun speziala "sport");
- c) cedel da pajament;
- d) documents existents pertutgant l'occurrenza (publicaziun, carnet da program e.u.v.);
- e) glista da rangaziun respectivamain glista da las participantas e dals participants da l'ultima occurrenza.

Art. 5 c) termin d'inoltraziun

¹ Dumondas per survegnir contribuziuns ston vegnir inoltradas almain 4 emnas avant il cumenzament da l'occurrenza (decisiva è la data dal bul postal resp. da l'e-mail).

² En dumondas inoltradas cun retard na vegni betg entrà.

Art. 6 d) decisiun davart contribuziuns

¹ Davart il pajament da contribuziuns fin 50 000 francs decida il departament d'educaziun, cultura e protecziun da l'ambient.

² Davart il pajament da contribuziuns sur 50 000 francs decida la regenza.

³ La decisiun vegn communitgada en scrit directamain a la petenta u al petent.

Art. 7 e) calculaziun da las contribuziuns

¹ La contribuziun vegn calculada cun agid d'in sistem da puncts che resguarda il dumber dals dis da la durada da l'occurrenza, il dumber da las participantas e dals participants e l'impurtanza da l'occurrenza.

Art. 8 Cundiziun

¹ Il pajament da contribuziuns a favur d'occurrentas è collià cun la cundiziun da represchentar las marcas «grischunSPORT» e «Swisslos» en moda adequata. Bandieras u models da stampa correspondent pon vegnir retratgs dal post ch'è inditgà sin il formular da dumonda correspondent.

Art. 9 Recurs

¹ Cunter decisiuns dal departament respectivamain da la regenza poi vegnir fatg recurs tar la dretgira administrativa dal chantun Grischun, Obere Plessurstrasse 1, 7000 Cuir, e quai entaifer 30 dis dapi la communicaziun da la decisiun contestada.